

KOVID-19 thika ókkol –

Hammwa ókkol ólla ham or sehét ar sólámotir maalummat

Thika maribólla añaré mojbur gorá zaibo né?

Tuñár morzir khélafla gorí thika maribólla yáto honó daktori karuair tole zaibollá tuñáre mojbur gorí nofaribó.

Bahárrhal, báaz hálot ókkol ót, becí hótára ola harhánat ham goribólla boli thika amarar tokaza goréde [umumi sehéti hókum ókkol](#) tákitfare. Tuñár sehét ejensir taza mocwara ókkol loiraikkó.

Ham or sehét adde sólámotir kanun ókkol ór tole, KOVID-19 ór thika maribólla añár girós é añáre mojbur gorifaribó neki?

Beec híssa hammwa ókkol ólla, tuñár girós é tuñáre thika maribólla mojbur gorí nofaribó, ham or sehét adde sólámotir kanun ókkol ór tole.

Bahárrhal, héçe kess bat diya ókkol tákitfare, háasgorí zodi tuñúi eén harháná ókkol ót ham gorór, zeçé hotórar sámna óibar baráiya emkan asé. Héçe yó [umumi sehéti hákum ókkol](#) tákitfare zíin é tuñár thika mara tokaza goré.

Zodi thika maribólla tuñár girós é tuñáre mojbur goré, ekkán zanafúna fáisela goribóola hítára tuñáre maalummat adde sámna ókkol doonsá. Tuñáre elaji daktori loi hotá hoó zodi tuñáttu sinta ókkol táké. Modot or wasté, tuñár [ham or sehét adde sólámotir niym banoiya](#), sehét adde sólámotir nomaenda (HSR) yáto soijja ókkol ór tonzim loi hotá hoó.

Tuñár ham or zagat hók ókkol ór babote maalummat ollá, [Fair Work Ombudsman](#) loi hotá hoó.

Ham or sehét adde sólámotir kanun ókkol ór tole, ekzon hammwa hísfáfe añár zimma ki? Hían maáni añártú thika mara foribó dé né?

Ekzon hammwa hísfáfe, tuñáttu nizor babote kafí húcíyari gorá foribó, ar ham ot oinno zon or sehét adde sólámoti ré asór goré dé héen kessú ulda nogoijjó. Tuñár girós ór torfóttu sehét adde sólámotir maakul hédáyot ókkol óre tuñáttu mana foribó, zeddúr tuñúi maakuli báfe manar kabel.

Zodi héçe ekkán kanun yáto umumi sehéti hókum zaga maík take zían é tuñúi thika maribár tokaza goré, toíle hé hárhána gán ot ham goríte, yáto ham gorár jari rakíte tuñáttu thika mara foribó.

Añár ham or zagat thika marar tokaza goríbar age añár girós óttu añárloi hotá huwá foribó né?

Ói. Zodi tuñáre girós é laazemi thika marar hotá báfér dé óile, karuai cúru gorár age hítára attú tuñárloi yáto, zodi táké, tuñár sehét adde sólámotir nomaenda loi mocwara gorá foribó. Tuñúi hítáráttú fusár goróonsá héçe honó tuñúi thika nomaribár súurot asé né?

Añaré thika mara giyé. Tarbaujude yó añárttú oinno ehéteyat ókkol goróonsá né, zeénneki jisími duuri adde hát dúwá?

Ói. Oggwá maháfuz adde hazor thika óiye dé sómáj óre maháfuz adde aram rakóon or ek híssa. KOVID-19 ór fóila ré rukíbólla kodom ókkol iín mara foribó:

- umumi sehéti hókum ókkol mano
- aram nolagilé, KOVID-19 alamot ókkol tákíle, yáto sehéti zimmadar ókkol é gór ot tákító hoilé, ham ot nouçiyó
- sólámotir sáñte ham goríbólla maakuli báfe ziín faro beggún goó, eçé KOVID-19 óre rukíbólla zaga maík asé de rukóoni ókkol cáamel asé zeénneki jisími duuri adde sófayi gorá
- hédáyot ókkol manisolo
- sólámotir sánte ham keén gorí goréde fakka nozaníle fusár goró
- zaati rukóoni sámán (PPE) ókkol óre zendhilla gorí estemal goríbólla tuñár cikka yáto hédáyot diya giyé héngorí estemal goró zeén neki hat mowza
- be-héfázoti honó hálabostá ókkol óre tuñár mazí yáto sehét adde sólámotir nomaendar hañsé zanaido

Beec maalumat

- [Sehét adde thiká ókkol ór maalumat – Sehét Dhipármén](#)
- [Ham or sehét adde sólámoti - Safe Work Australia](#)
- [Ham or zagar hók ókkol – Fair Work Ombudsman](#)